

豐順縣志卷之六

知豐順縣事禹航葛曙生洲父纂

人物志

賢品 孝義 耆壽 節烈 寓賢

王彥方化及鄉人陳太邱居名德里邑有人物表而出之豈徒不没人善哉風化所關正表宅 樹風聲之義也採攬之下大懼文獻無徵見聞固陋然寧詳母缺寧核母濫惟核足以取信於後惟詳足以觀感於人故其人或顯績或潛脩以迄深山遺老暗室孤

豐順縣志

卷之六

人物

一

嫠必訪諸輿論徵其實行以爲作忠教孝訓俗型方之具他如名賢遊歷山川增色景行所存流風可仰亦並載焉有志於善者可以知所自處矣作人物志

人物志

賢品 孝義 耆壽 節烈 寓賢

王彥方化及鄉人陳太邱居名德里邑有人物表而出之豈徒不没人善哉風化所關正表宅里樹風聲之義也採攬之下大懼文獻無徵見聞固陋然寧詳母率寧核母濫惟核足以取信於後惟詳足以觀感於人故其人或顯績或潛脩以迄深山遺老暗室孤嫠必訪諸輿論徵其實行以爲作忠教孝訓俗型方之具他如名賢遊歷山川增色景行所存流風可仰

豐順縣志

卷之六

一

亦並載焉有志於善者可以知所自處矣作人物志

一賢品

明黃勳字守勳藍田上陽人讀書鄙章句有志聖賢之學平居無戲言雖盛暑必衣冠危坐舉成化鄉試丁未授新淦教諭以崇尚正學爲已任諸生具贄俱不受其貧者周之或疑其矯勳曰矯廉其可也吾豈以顯晦大小易撻耶六年遷柳州教授見郡守長揖而已歲餘謝歸龍山教子一道成名能繼父志

黃一道字唯夫號日溪勳子正德庚辰進士授戶部

豐順縣志

卷之六

賢品

一一

主事奏革漁蠹疏議大禮出守興化時務以正學倡諸生濟貧恤冤又建橋寧海築長城堤民受其利爲刻石立祠宦後挈族移居揭邑西門內今子孫俱在揭邑

柯化鵬號聲朝藍田金湯人爲人謙厚和平舉萬歷戊午鄉試亞魁崇正四年冬大飢揭邑紳士會賑鵬以藍田黃寨去縣治竄遠特倡賑一方全活甚衆及任浙江温州府推官有惠政讞獄清平時時爲囚求生理丹筆不忍妄下任滿歸溫民多首頂

香爐數千里護行抵家其德澤感人類如此明季
山寇竊發其親族有被脅從賊者鵬力誅之處多
難之鄉韜光斂鉞匪類竟不能害與妻洪氏偕老
子孫有顯名於時者

何仕冢號純弼字文定棠荆鄉人生而穎異博涉群
書平居手不停披口不絕吟與海陽黃尚書錦吳
尚寶殿邦揭陽郭詹事之奇等十七人以詩文相
推重而何爲之長幼曾肄業晉江極爲李光緒所
器歸潮遂冠多士舉萬歷壬子鄉試任湖廣衡山

豐順縣志

卷之六

賢品

三

縣知縣

羅紅

揭志誤
作洪

藍田上陽人少遊庠以行見推爲督學

陳欽所器欲薦之會陳卒母年八十家居奉養不
求仕進善吟咏喜山水有和歸田百咏詩揭邑長
陶正深重之訪其廬謫簿季本舉鄉飲賔爲鄉約
長

楊世喬更名宮號柳主藍田湯坑人原籍茶陽之白
埃爲楊龜山先生十六世孫舉天啟丁卯鄉試爲
人慷慨有國士風乙酉秋九軍賊攻邑城喬統義

士擣其巢穴遂解邑難繼而賊屢圍所居金甌寨
喬統衆堅守以義勵之數閱月食盡茹棉核蕉根
而千人如一心焉躬爲先鋒破賊解圍又詣郡帶
兵殺賊首馬殿黃甲於梅岡迎班郭二總兵誘殺
賊首劉公顯傅達馬茂素於府城更謀之饒鎮吳
六竒多方削平歷數年間藍霖寇殆盡全揭賴以
底定鄉人有漸染匪類者皆爲感化從善子孫繁
盛今移居揭邑沙腹湖

羅拱暘上陽人揭陽學生員孝友樂施曾捐田租助

豐順縣志

卷之六

賢品

四

祭揭邑文廟乙丑年經提學道張瑋優獎德行祀

揭邑鄉賢有子萬傑崇正甲戌進士

羅萬傑字貞卿號庸菴年十八舉崇正庚午鄉試甲
戌進士甫觀政丁外艱歸服闋授行人司行人兩
奉使冊封吉荆二藩庚辰召對給筆札問修練儲
備四事侃侃直言敷陳利弊切中時艱擢吏部主
事轉驗封員外郎舊例副郎不與選事會冢宰鄭
三俊加意銓政以傑誠實不阿破格畀以選事在
職一年矢公矢 每有黜陟反覆詳審適長安厲

氣盛行同邑王宗昌幾不能生爲多方求治朝夕
左右卒賴以安同邑林一奇卒於京邸傑昌暑親
爲治喪棺斂如禮其篤於友誼類如此復丁內艱
守制旋里值揭邑歲祲倡禁閩糶藉以全活者甚
多未幾聞國難遂矢心岩壑結廬茶陽山中草衣
疏食與樵子牧豎量雨較晴性喜禪悅高僧談對
閒時或賦詩見志生平身無長物林居三十年足
跡不入州府家人婦子罕覩其面所著多不存稿
蓋不欲以文人詩人自待也病革自言吾身丁世

豐順縣志

卷之六

賢品

五

變忠孝兩愧且多年學道無成去當再來卒年六
十八子八人俱能守其家訓今分居揭豐二邑

國朝吳廷符字弼垣六奇父少有至性篤孝弟好施與久
而不忘鄉黨稱之以子貴贈光祿大夫祀府學鄉
賢

吳六奇字鑑伯號葛如湯田人海邑諸生少讀書務
大節不事生產明季山寇竊發奇與弟標訓練鄉
族力爲扞禦當事嘉之委守豐順營先後殲滅巨
盜鍾凌秀葉澳婆彭士炳張文斌林叅寰劉良機

等遠近賴以安我

朝定粵奇統衆景附特授掛印總兵官開闔饒平會士寇
江龍踞大埔鄭儼據湯坑統官鄉兵討平之潮鎮
郝尚久叛各縣風靡獨奇抗不肯附及 王師圍
城奇捐餉不貲助攻甚力城下日保全甚多功成
晉少傅 賜蟒貂刀馬等物時海氛未靖募習水
師造船會勦鷺島克復又奉

詔宣諭南澳全澳將士及銅陵諸嶼一時向化來歸奇皆
捐俸贍給之嘗捐貲修府學明倫堂及饒平大捕

豐順縣志

卷之六

賢品

六

文廟卒贈少師謚順恪 賜祭塋祀鄉賢詳載墓
誌

歐亮松林社人曾爲饒鎮中軍康熙十三年七月逆
鎮劉進忠叛據府城遣數營逆黨據揭邑亮統師
欲恢復揭城自舉義兵前導駐札磐溪都被逆黨
襲擊死之

鄒瑞橫坑社人明季武生順治十年同饒鎮吳六奇
恢復潮郡保全程鄉大埔鎮平平遠等縣有功十
二年授饒鎮中軍遊擊康熙三年廣福兩省總督

檄剿大埔木窖有功六年封授驍騎將軍九年拔
湖廣德安府副將

王金環清堡人爲饒鎮吳六奇標將屢立功績順治
二年普寧土寇林叅寰劫縣以計斬之六月澄寇
困潮州解其圍繼而彭仕炳作亂陳擒巨魁三年
海賊掠潮陽鎮平寇攻梅州俱剿平之四年寇破
長樂賴以恢復十六年興寧大飢移粟萬石賑之
生子二十三人初授都司僉書管遊擊事陞任饒
鎮右營參將

豐順縣志

卷之六

賢品

七

羅萬善號子臧字正仁藍田上陽人康熙甲子舉賢
書考授中書後改知縣以老不就職家居日事吟
咏不履公庭有司罕覲其面性極恬澹而任事慷
慨重新祖祠祖潭堤決捐資脩築丙午丁未歲飢
於碩浦發儲散米人懷其惠享年九十有一長子
昌齡雍正癸卯歲貢任東安縣訓導次子松檉歲
貢中乾隆甲子何蘊躍榜三子鳴鑾監生任浙江
桐鄉縣縣丞今俱移居揭邑

羅國珍號豈藏字正殿萬善弟與兄齊名康熙丙午

鄉試第四名揭邑長鄭濂延脩邑乘初令武進以
憂歸繼補昆明皆有治聲丙子分校滇闈所得皆
知名士告歸後與兄萬善白首怡怡人咸羨之有
子四俱成名今分居揭豐二邑

吳啟晉號長源六奇長子有文武才少佐父治兵預
叅帷幄性至孝重然諾友愛諸昆弟能得父歡心
平居耽書史雖其父以宮御掛印行膺廕典非其
志也發憤下帷中順治丁酉科舉人房師洪琮期
以大器未幾卒人皆惜之

豐順縣志

卷之六

賢品

八

吳啟爵字縻源六奇四子郡諸生康熙五年以父廕
授正黃旂侍衛隨提督施琅攻澎湖多立戰功諭
降臺灣賚偽冊印星馳奏捷陞太原總兵給世襲
旋遷瓊州平黎岐靖島嶼再調天津行至雷州卒
康熙癸巳以

萬壽恩諭祭功臣榮寵及之

一孝義

明朱月嶺正德時上林鄉人個儻義俠嘗置舟偕僕漁釣溪中夜聞岸上呼救往則二婦人也詢知福建上杭人黃姓姑媳二人爲賊所掠奔逸至此憐而載歸安置一室給以衣食夜則重其鎖鑰卽致書其家約期來領厚贈資費以歸越數年夫婦來謝適已謝世備極哀痛爲披麻哭泣而去嘉靖間海陽令採其實上報舉鄉飲廩子起凡亦以孝友著崇正間舉鄉飲廩

豐順縣志

卷之六

孝義

九

楊最生員母朱氏患眼與妻晝夜舐之復明嘗爲甕牖寢處二銘傳家有子世喬天啟丁卯舉人

國朝羅明倫字德振號未能藍田上陽人生而穎異十歲能文中順治庚子副榜癸卯再中副惠以義命自安無舛望意生平制行溫厚事父母繼母以孝聞捐已田二百畝爲兄續嗣人偕稱之

賴心台金甌寨人順治初九軍賊圍寨危在旦夕心台夜半開門失圍而出詣通判府請吳六奇撥兵救護復於夜半潛回被獲賊令心台誘開寨門台

不從卽斷去手足焚其屍金甌賴以保全

李佳瓊小勝鄉人好義樂施康熙丙子丁丑洊飢斗米四百按家給粟按畝借種鄉人咸得其惠雍正丙午丁未又洊飢斗米六百郡中賑粥鄉民艱於遠赴復爲按口酌給鄉無死者前海陽令顏敏曾旌以匾曰齒德堪仰現年八十三歲

張瑋字文賡建橋人生員爲人約已好義鄉之石碑下係海程孔道崎嶇難行捐重資開闢之鄉有甲坑溪水深病涉建橋以利行人又脩一渡水橋凡

豐順縣志

卷之六

孝義

十

鄉之死喪無所歸者周恤不倦年至八十五歲

羅孟震字德宣上陽隆烟寨人國珍子貢生候補訓導改選主簿雍正四年五年揭邑歲浸糶粥賑飢倡建慈濟堂施櫛掩骼買山作義冢部旌好義又捐舖租助祭文廟

楊安定金甌寨人澄海縣學歲貢生平質直好義值雍正丙午丁未洊飢捐金倡賑族黨咸得其惠

羅鏞字裕聞號龍峰上陽人基恒長子揭學增生雍正七年學院鄧公鍾岳舉優行事親以孝聞生平

輕財重義族有貧者助其聘娶友負糧不能納代
爲輸之嘗偕人夜行望氣掘得白金千兩堅不受
康熙丙戌歲舟泊產湖適溪水暴漲淹及村舍捐
穀拯救活數十人雍正丙午丁未洊飢爲揭邑長
力陳賑術仍自捐囊佐賑當事給匾旌之卒年八
十有二子起濱武舉餘列成均

楊兆璇布心社人年十四其父楊熙俊歿母張氏撫
之雍正十二年母病幾危醫藥無效璇日夜哀禱
於佛前夢佛告以人肉可療璇隨割已之乳肉烹

豐順縣志

卷之六

孝義

十一

以進母母不知食之病果愈而璇亦痊復如故

吳一孫字正伯在城人生員原海陽縣知縣張士璉
治海時以豐政都離治寫遠民多抗糧委理糧務
催輸得法爲鄉約長公正不欺原潘田司巡檢沈
元震解任未及一月母故不能奉柩回籍葬於邑
屬黃竹徑託孫看視孫爲之脩葺祭掃一如已墓
四十餘年未嘗少衰且謀立祀產以期久遠現年
七十二歲前邑令王如珩給匾旌之曰延陵碩望
彭昌孚下湯社新福圍人讀書不遇家居力農爲人

一介不取而性樂施濟乾隆四年飢里有鬻妻子者孚立賑穀百餘石先本族後鄉里全活甚衆乾隆七年大旱孚卽會請鄰族出穀百餘石賑之有詣門謝者却不受卒年六十子孫俱人太學

一耆壽

明羅仕傳鄉飲賔賜帛嘗捐資創建義塾壽九十三歲
有七世孫萬傑進士萬善舉人國珍舉人

國朝羅鼎明郡學生員約已好施足跡不履公庭年至八
十三歲有子萬善國珍

張家達字右行生員建橋人篤志好學誠直不欺萬
歷四十五年入學歷試二十二科八十五歲猶能
應試康熙二十一年督學于覺世按試潮郡見其
鬚髮皓然諭之曰老生何不告退應曰尚喜作文

豐順縣志

卷之六

耆壽

十三

深異之給匾旌曰齒優好古年至八十七歲

張璩字如白建橋人公平正直善化鄉人有程處士
風賔飲於程邑知縣曹延懿旌以匾曰南金望重
王廷賔字俞臣歷試冠軍懷才未遇家居教授從學
日衆門下登賢書者有張豹變吳玉鷗王道符等
凡及門經其指授莫不有成生平温和公正年至
七十六歲妻張氏年至八旬夫婦相處如賔有梁
孟之風次子增廣生靄雲能守其家學

王宗藩字萬宇湯坑人壽八十二歲雍正八年提四

令陳樹芝旌曰齒德雙輝

廖振琳大溜隍寨人爲人醇謹好施常捐資脩路雍正丙午丁未洊飢多周貧窮助喪葬前海陽縣知縣顏敏有匾旌之年至八十四歲夫婦齊眉子孫繞膝乾隆元年寨內大火鄰屋殆盡琳家獨無恙人以爲厚德之報

何宗富溜隍新池鄉人平生與物無競年九十有奇子孫繞膝矍鑠自如雍正元年 恩賜帛

羅奕卿字長侯上陽人爲人方正壽至八十六歲前

豐順縣志

卷之六

耆壽

十四

署潮州府趙光貴旌以匾曰齒德可風

羅兆吉上陽人生員羅俊拔父乾隆三年 恩賜帛
現年九十歲

巫乃文大堪社人現年八十六歲居家孝友接物謙和鄉黨咸推重之訓子孫有方俱能勵志讀書長孫廩膳生員巫馬光有文名

連朝相下埔鄉人居家敦睦鄰里稱之現年七十歲

一節烈

明羅尾娘上陽羅敬恕女自幼不妄言笑年十七歸揭
邑霖田湖口高姓十九夫亡哀慟數日遂自縊

國朝宋氏貢生宋兆榕女年十九歸舉人吳啟音爲繼室
二十六歲啟晉病亡一子未周歲孝奉舅姑誨子
成象讀書成名苦節幾三十載前海陽縣知縣朱
一鳳詳請旌表

張氏環清堡鄭邦懷妻二十五歲夫亡守節年至七
十二歲康熙四十四年程鄉縣知縣郭廷祚旌以

豐順縣志

卷之六

節烈

十五

匾曰光耀竹扉

歐氏名錦娘松林社海洋樓歐子靖女幼許字吳汝
潤及笄未婚而汝潤病亡錦娘聞報哀痛欲絕三
日不食七日後潛至汝潤墓哭拜是晚回家自縊
鄒氏副將鄒瑞女監生吳廷選妻年二十四夫故一
子僅三歲氏紡績事親婦兼子職篝燈課子母備
師儀卒年八十五歲

彭氏在城生員吳三彪妻彪幼穎異十五入海陽縣
學勵志讀書二十六歲病故無子近族無可繼者

時氏年僅二十四歲號泣三年未嘗見齒苦守七載始得夫弟之子芳爲後姑病刻不離側藥必親嘗教子成名得入太學卒年八十五歲

呂氏州同吳廷遜妻年二十四夫亡無子立夫弟次子爲嗣氏孝事姑嫜訓子成立後入太學孫嗣鵠起堂列四代年八十六歲前海陽縣知縣顏敏旌匾孝節流芳

馮氏在城吳三鷓妻年二十三鷓亡遺孤子捷未周一歲四壁蕭然甘貧苦節上奉舅姑下撫幼子歷

豐順縣志

卷之六

節烈

十六

四十六年如一日四代一堂年六十九歲

譚氏監生譚方明長女吳鎮舊將吳豹爲第三子吳子寬聘之未婚而寬歿氏聞報哭泣終日不食卽欲奔喪父母屢止之不能未逾月過吳門衰服三年甘心守節立有嗣子振第爲後

陳氏副榜陳棐五長女生員吳州彥子漢若之妻二十三歲夫故遺腹生子懷源氏事老撫幼苦節自守卒年八十四歲

吳氏下湯社雙螺口人生員吳三彪女監生張元卿

媳夫張啟庸二十七歲病亡時年二十五生一子
三多甫三歲氏事舅姑克孝守節三十八年卒年
六十五歲子入太學孫嗣森盛康熙六十一年海陽
縣知縣顏敏旌匾節孝可風

林氏歲貢林作棟女總兵吳啟鎮媳生員吳成孝妻
二十四歲夫亡氏飲冰茹孽勤撫幼子開瓚延師
訓課身列成均現年七十六歲康熙六十一年海
陽縣知縣顏敏曾給匾旌之

劉氏監生羅焜祖母年二十五夫歿守節至九十二

豐順縣志

卷之六

節烈

十七

歲雍正元年 恩賜帛

林氏曹寨鄉陳顯卿妻年十八于歸二十四歲夫故
撫孤至十六歲而孤歿氏堅墾族衆僉立夫弟生
員陳鳳儀四子振飛爲後時甫十歲氏訓之後入
太學孫嗣森立年至六十計苦節二十六年

陳氏上陽羅義烈妻十九歸羅二十一歲夫亡守節
孝事舅姑遺腹舉男旬後舉雍正元年武鄉試雍
正四年奉

旨建坊旌表祀節孝祠

吳氏上陽羅文士妻三十而寡守節七十年壽百歲
恩賜帑帛

陳氏上陽羅畧如妻年十六歸羅三載夫亡家貧力
紡績事姑舅撫遺孤守節至八十七歲雍正九年
揭陽令陳樹芝旌曰孝節可欽十三年 恩賜帛
葉氏環清堡王正遠妻生員葉文斌季女十九歸王
九載而寡夫病時親嘗湯藥不離左右歿之日撫
棺悲痛欲絕舅姑俱暮年奉養得其歡心撫孤順
泰成立列名太學計正苦節者二十八載乾隆八

豐順縣志

卷之六

節烈

十八

年春合邑紳士僉呈督學梁文山旌匾砥節松筠
張氏藍田湖陂鄉羅明侯妻貢生羅山澤媳年十七
歸羅二十九歲夫亡是時雙白在堂二孤年幼事
親撫孤始終不懈長子天漢補邑弟子員氏年四
十八而歿
林氏下埔鄉連朝烈妻年十六歸連二十二歲夫亡
遺孤僅五月林事老撫孤備極艱辛守節者五十
年乾隆十年知縣葛曙旌之曰霜筠茂節
宋氏在城生員吳三俊媳夫啟昌歿時氏年三十三

歲僅遺一子成良氏撫之惟恐不至一以勤儉治家子不永年復撫孤孫開京開雲成立卒年八十二歲乾隆十年知縣葛曙旌匾松筠晚茂

馮氏鄉飲賔馮煥公女卽朱氏子成良之妻成良病故氏年二十事孀姑惟謹撫二孤開京開雲訓導有方現年五十五歲乾隆十年知縣葛曙旌匾正節嗣徽前知縣王如珩於乾隆七年合旌之曰雙節垂範

朱氏鳳娘生員朱以德長女年十八歸生員吳三近

豐順縣志

卷之六

節烈

十九

長子吳啟煥爲室二十五歲夫故遺孤成集年甫四歲撫育訓誨備極苦心得入國學現年六十一歲

謝氏產溪彭奕瑞妻夫亡守節撫子振蛟成立名入太學

朱氏大田社朱可珍女胡良瑄妻年二十六生二子而夫歿家貧日夜紡績以養繼姑謝氏及姑目廢八載寢食不離亡後負土築塋訓紡子有方現年七十七歲

彭氏大田社朱世豪妻生四子二十八歲夫故氏事老訓幼備盡婦道第四子煌及孫三人俱列成均氏現年八十五歲

劉氏卽彭氏長子朱正立妻劉三尹女年十七歸朱甫二載夫故痛哭幾不欲生遺腹四月後舉一子養孀姑撫孤幼孝慈兼至年六十八事彭氏始終不懈云

張氏下湯社人監生彭文縉妻二十九歲夫亡一子甫七歲苦節自守事姑盡孝課子成名鄉黨咸稱

豐順縣志

卷之六

節烈

二十

之現年七十五歲

徐氏藍田都新棠鄉曾殿侯妻年十八歸曾二十九夫亡遺孤世茂年僅二歲堂有白髮雙親生養死葬俱氏任之訓子後入太學氏現年七十五歲

羅氏金湯寨周元捷妻年十六歸周二十二歲夫亡並無兄弟侍養舅姑得其歡心歿之日喪葬盡禮撫二子建五建常俱各成立氏現年六十五歲

羅氏監生羅基蒙女副將吳啟鎮爲子成亨聘之年十五歸吳二十五夫歿志守節子又早喪助媳

撫養孤孫現年六十五歲

黎大娘大樞社橋背人黎永學長女吳啟義妻年十七而嫁未百日啟義病亡氏痛哭氣絕其母救醒隨嚼指出血誓不改節哀求夫兄啟仁次子成纘

繼嗣現年五十五歲

吳氏上林坑朱文麟妻年二十歲夫亡無子立夫兄之子爲嗣氏子立事姑孝養無缺撫孤成家現年五十一歲

彭氏仙洞鄉彭爲霖女劉宏售妻年二十四夫亡守

豐順縣志

卷之六

節烈

二十一

節遺孤桓止四歲撫育成立孫曾三代繞膝現年六十四歲

一寓賢

宋朱子相傳選勝至潮寓同榜進士鄭國翰家遂偕入藍田飛泉嶺書莊以居嘗手書落漢鳴泉四大字揭諸覽勝亭中復鐫石壁上因留題焉今遺跡杳不可尋矣又傳明時有樵者誤入見脩竹萬竿古木繁翳鳥啼花開不減武陵歸語人引觀之已失所在此傳會之言不足信

鄭國翰字寧夫揭邑藍田六圖人紹興十八年戊辰與朱子同登王佐榜初授莆田令歷官兵部郎中

豐順縣志

卷之六

寓賢

二十一

南渡後致仕歸築書莊于藍田之飛泉嶺集生徒講學其中朱子游潮主其家嘗以澹名軒學者稱爲澹軒先生

楊萬里字誠齋吉水人爲廣州提舉督師至潮經彭田鋪登韓山訪韓木復觀於海皆有題咏嘗偕黃公度過瘦牛嶺作詩有云平生不慣乘肥馬老去須教過瘦牛

按府志載唐陳元光揭陽人隋義安郡丞陳洪孫洪子政以武功著政子元光鎮撫漳潮屢著戰績後陣

亡賸豹韜衛大將軍開元四年追封潁川侯謚昭烈
建廟漳浦鄉人以陳氏累世貴顯因名其所居爲貴
人村山曰貴人村山揭志又云唐陳洪爲義安丞因
留居爲揭陽龍溪人子政以武功復隸廣州揚威府
孫元光習韜鈴善用兵累官鷹揚衛將軍儀鳳中崖
山劇賊陳謙攻陷岡州嶺左閩越驚擾元光隨父征
戍閩父死代爲將潮州刺史常懷德倚重之時高士
廉孫璇嗣爵申國公左遷循州司馬永隆二年盜起
攻南海邊鄙璇受命專征以光原諳揭陽令提兵入

豐順縣志

卷之六

寓賢

二十二

潮伐山開道潛襲寇壘俘馘萬計嶺表皆平詔立廟
封謚查揭屬龍溪都於嘉靖四十二年割隸海陽並
無貴人村山地名而乾隆三年開設豐邑揭屬分割
地方內有貴人村今居民尚多陳姓但莫有知其先
世者附錄以備參考